

& des grands. Auffi-toft qu'ils furent fur ces the-  
atres, ils demãderent tous, & hommes & femmes, à  
parler au Pere Ifaac Iogues: tant pour baptizer les  
Catechumenes, que pour entendre les Chrestiens de  
confeffion. Les Algonquines captiues depuis vn  
long-temps en ce païs-là, s'approchoient doucement  
de leurs compatriottes, [18] & leur difoient qu'on  
auoit miserablement maffacré le pauure Pere. Apres  
les faluades & les pourmenades dãs les trois Bourgs  
des Agneronons, où on arrache les ongles s'il en refte  
encore, où on coupe les doigts, où on frappe fur les  
playes; en vn mot, où la rage & la fureur font  
déchaînez: on donna la vie aux femmes & aux filles,  
& à deux petits garçons; pour les hommes & pour  
les ieunes gens capables de lancer vn jaelot ou vne  
efpée, ils furent distribuez en diuerfes Bourgades  
pour y eſtre bruſlez, boüillis & roſtis. Le Chrestien  
qui faifoit les prieres publiques fut grillé & tourmen-  
té d'une horrible façon: iamais au rapport d'une  
perſonne qui le veid dans ſes fouffrances, il ne jetta  
aucun cry, ny ne donna iamais aucun ſigne d'un cœur  
abbattu; il leuoit les yeux au Ciel du milieu de ſes  
flammes, regardant fixement le lieu où ſon ame aſpi-  
roit! on commença de le tourmenter deuant le Soleil  
couché, & on le bruſta toute la nuit, depuis la plante  
des pieds iuſques à la ceinture: le lendemain on le  
bruſta depuis la ceinture iuſques à la teſte: & fur le  
foir les forces luy manquant, on jetta tout ſon corps  
grillé dans des flammes. [19] Cette rage paſſe le  
naturel des hommes; les Demons y ont bonne part.

Il y auoit parmy ceſte ieuneſſe vn enfant aagé d'en-  
viron 15. ou 16. ans, beau comme le iour dans l'eſtime  
des Sauuages; les Hiroquois le reueſtirent de leurs